

Odluka o spajanju nadležnosti Nezavisne komisije za medije i Regulatorne agencije za telekomunikacije

Koristeci se ovlastenjima koja su mi data clanom V Aneksa 10 (Sporazum o civilnoj implementaciji Mirovnog ugovora) Opceg okvirnog sporazuma za mir u Bosni i Hercegovini prema kojem je Visoki predstavnik konacni autoritet u zemlji u pogledu tumacenja gore pomenutog Sporazuma o civilnoj implementaciji Mirovnog ugovora; i posebno uzevsi u obzir clan II 1. (d) istog Sporazuma prema kojem Visoki predstavnik "pomaze, kada Visoki predstavnik to ocijeni neophodnim, u rjesavanju svih problema koji se pojave u vezi sa civilnom implementacijom";

Pozivajuci se na stav XI.2 Zakljucaka Konferencije za implementaciju mira odrzane u Bonu 9. i 10. decembra 1997. godine, u kojima je Vijece za implementaciju mira pozdravilo namjeru Visokog predstavnika da iskoristi svoj konacni autoritet u zemlji u pogledu tumacenja Sporazuma o civilnoj implementaciji Mirovnog ugovora, kako bi pomogao u iznalazenju rjesenja za probleme u skladu sa gore navedenim "donosenjem obavezujućih odluka, kada to ocijeni neophodnim", o odredjenim pitanjima, ukljucujuci i (prema osnovu (c) stava XI.2) "mjere kojim se osigurava implementacija Mirovnog sporazuma na cijelom podrucju Bosne i Hercegovine i njenih entiteta";

Imajuci na umu smjernice koje je Upravni odbor Vijeća za implementaciju mira naveo u svom Komunikatu donesenom 7. decembra 2000. god. a kojima se potvrđuje namjera Visokog predstavnika da ojača jedan sveobuhvatni pristup komunikacijama spajanjem nadležnosti Nezavisne komisije za medije i Regulatorne agencije za telekomunikacije; nadalje

pozivajući se na smjernice Odjeljka 1 Briselske deklaracije koju je Vijeće za implementaciju mira donijelo 23. i 24. maja 2000. god. u kojima se daju instrukcije Visokom predstavniku da osigura brzo uvođenje regulatornih mehanizama za telekomunikacije i medije na državnom nivou te da osigura da ne dodje do pojavljivanja istih ili opreznih regulatornih nadležnosti na bilo kojem nivou vlasti; nadalje imajući na umu smjernice Vijeća za implementaciju mira navedene u Odjeljku 1 Briselske deklaracije od 23. i 24. maja 2000. god., kojima se skreće pažnja stranama na potrebu jačanja efikasnih i demokratski odgovornih zajedničkih institucija;

Imajući na umu činjenicu da je Visoki predstavnik 11. juna 1998. god. donio Odluku o uspostavljanju Nezavisne komisije za medije;

Konstatirajući da telekomunikacije igraju ključnu ulogu u ekonomskom razvoju država te da otvaranje oblasti telekomunikacija za konkurenciju nudi ekonomske prednosti kako potrošačima tako i poslovnom sektoru; nadalje konstatirajući da ekonomski razvoj predstavlja ključni strateški cilj Visokog predstavnika u Bosni i Hercegovini, te da je jačanje konkurentnog okruženja za telekomunikacije sastavni dio tog procesa.

Imajući na umu da jasna tendencija u komunikacionoj industriji u cijelom svijetu koja ide u pravcu približavanja i tehnologije i metoda transmisije zahtijeva jasan i sveobuhvatan regulatorni pristup i politiku; da će jedno regulatorno tijelo za komunikacije omogućiti brzo i efikasno reagovanje na stanje u oblasti ekonomije i industrije, što predstavlja nužnost u ovom dinamičnom sektoru od ključnog ekonomskog značaja; te da su ostale evropske zemlje odlučile da ovo pitanje rješavaju kroz postojanje jednog regulatornog tijela.

Uzevši u obzir, imajući na umu i konstatirajući sve prethodno navedeno, ovim donosim sljedeću

ODLUKU

o spajanju nadležnosti Nezavisne komisije za medije i Regulatorne agencije za telekomunikacije

Član 1

Opće odredbe

1.1 Ovom Odlukom se spajanjem nadležnosti Nezavisne komisije za medije (u daljnjem tekstu: IMC) i Regulatorne agencije za telekomunikacije (u daljnjem tekstu: TRA) uspostavlja jedno regulatorno tijelo za komunikacije u čiju nadležnost spadaju elektronski mediji i telekomunikacije. Naziv jedinstvenog regulatornog tijela za komunikacije je "Regulatorna agencija za komunikacije" (u daljnjem tekstu: CRA).

1.2 Regulatorne nadležnosti Bosne i Hercegovine u oblasti komunikacija izvršavat će isključivo Regulatorna agencija za komunikacije (CRA).

Član 2

Sastav Regulatorne agencije za komunikacije

2.1 Regulatornom agencijom za komunikacije (CRA) upravlja generalni direktor koga imenuje Visoki predstavnik. Generalni direktor je odgovoran za svakodnevno poslovanje Regulatorne agencije za komunikacije (CRA) uključujući, ali ne ograničavajući se na, implementaciju relevantnog zakona i politike, tehničku kontrolu, poslovanje sektora, administraciju i uposljavanje kadrova.

2.2 Struktura Regulatorne agencije za komunikacije (CRA) uključuje, između ostalog, odjel za elektronske medije i odjel za telekomunikacije. Svaki odjel ima rukovodioca, koji će biti državljanin Bosne i Hercegovine imenovan od strane generalnog direktora. Generalni direktor imenuje međunarodne savjetnike.

2.3 Regulatorna agencija za komunikacije (CRA) će imati Vijeće u čijem će sastavu biti sedam članova. Vijeće će Regulatornoj agenciji za komunikacije (CRA) davati smjernice u vezi sa

strateskim pitanjima implementacije politike te će vršiti konsultacije sa generalnim direktorom i primati izvjestaje od generalnog direktora. Vijeće će usvojiti metode rada i pravila za oblasti elektronskih medija i telekomunikacija, kao i interni poslovnik. Uz to, Vijeće će imati funkciju žalbenog tijela kojem će se podnositi žalbe protiv odluka Regulatorne agencije za komunikacije (CRA). Visoki predstavnik imenuje svih sedam članova Vijeća. U sastav Vijeća će biti imenovana četiri člana državljana Bosne i Hercegovine i tri međunarodna člana. Vijeće se sastaje najmanje četiri puta godišnje. Generalni direktor izvještava Vijeće o strateskim pitanjima vezanim za provođenje politike. Generalni direktor prisustvuje svim sastancima Vijeća kao učesnik bez prava glasa.

2.4 Regulatorna agencija za komunikacije (CRA) će u sastavu imati i Izvršno vijeće koje sačinjava sedam članova, četiri državljana Bosne i Hercegovine i tri međunarodna člana, koje imenuje Visoki predstavnik. Izvršno vijeće ima ovlastenja da rješava sve slučajeve koji se odnose na kršenje uslova za davanje dozvola ili drugih pravila koje primjenjuje Regulatorna agencija za komunikacije, te da nametne odgovarajuće pravne lijekove i sankcije.

2.5 Članovi Vijeća i Izvrsnog vijeća Nezavisne komisije za medije (IMC) ostaju na funkciji do imenovanja novog Vijeća i Izvrsnog vijeća Regulatorne agencije za komunikacije (CRA).

Član 3

Mjere koje poduzima CRA

Pri obezbijedjivanju postivanja metoda rada, pravila, propisa i odluka Regulatorne agencije za komunikacije (CRA), Regulatorna agencija za komunikacije ima ovlastenje da nametne mjere koje će biti u skladu sa evropskom regulatornom praksom.

Član 4

Nezavisnost Regulatorne agencije za komunikacije

Regulatorna agencija za komunikacije (CRA) je nezavisno tijelo

sa statusom pravne osobe u Bosni i Hercegovini i izvršava svoje dužnosti u skladu sa principima politike telekomunikacija koji su pobrojani u članu 3. Zakona o telekomunikacijama, i politikom za Sektor telekomunikacija Bosne i Hercegovine. U ispunjavanju svojih dužnosti, Regulatorna agencija za komunikacije (CRA) postupa u skladu sa principima objektivnosti, transparentnosti i nediskriminacije.

Član 5

Finansijska pitanja Regulatorne agencije za komunikacije (CRA)

5.1. Budući da je agencija državno tijelo, ukupni budžet Regulatorne agencije za komunikacije (CRA) je sastavni dio Budžeta zajedničkih institucija Bosne i Hercegovine. Budžet Regulatorne agencije za komunikacije (CRA) je u direktnoj vezi sa politikom Vijeća ministara po sektorima. Generalni direktor dostavlja Vijeću ministara na odobravanje budžet za svaku budžetsku godinu koji je prethodno odobrilo Vijeće Regulatorne agencije za komunikacije. Potvrđuje se da se Regulatorna agencija za komunikacije (CRA) financira iz sljedećih izvora:

- i. naknada za dozvole;
- ii. sredstava koja dodijele zajedničke institucije Bosne i Hercegovine;
- iii. nepovratnih sredstava ili donacija koje Regulatorna agencija za komunikacije dobije ukoliko su iste u skladu sa općim principima prava.

5.2. Sredstva koja dobije Regulatorna agencija za komunikacije (CRA) će koristiti Regulatorna agencija za komunikacije (CRA) u skladu sa budžetom koji je odobrilo Vijeće ministara.

5.3. Koristenje sredstava Regulatorne agencije za komunikacije će biti predmet preispitivanja od strane vrhovne institucije za reviziju.

Član 6

Prednost i kontinuitet

6.1. U skladu sa Ustavom Bosne i Hercegovine, ova Odluka ima prednost nad svim nedosljednim zakonima, propisima i odlukama ili posebnim odredbama istih na svim nivoima vlasti u Bosni i

Hercegovini. Ova Odluka zamjenjuje Odluku o osnivanju Nezavisne komisije za medije koju je 11. juna 1998. godine donio Visoki predstavnik. Nadležnosti i obaveze koje su tim putem dodijeljene IMC-u se ovom Odlukom prenose na CRA.

6.2. Svi akti, kodeksi, pravila, smjernice i odluke koje su donijeli Nezavisna komisija za medije (IMC) i Regulatorna agencija za telekomunikacije (TRA) ostaju na snazi osim ukoliko ne budu zamijenjeni ili izmijenjeni i dopunjeni odlukama koje donese Regulatorna agencija za komunikacije (CRA).

6.3. Tekuce inicijative Nezavisne komisije za medije (IMC) i Regulatorne agencije za telekomunikacije (TRA) se nastavljaju nesmanjenim tempom, ukljucujuci naprimjer izdavanje dugorocnih dozvola za emitovanje programa od strane Nezavisne komisije za medije (IMC). U unapredjivanju istih, svi dopisi od Nezavisne komisije za medije (IMC) i Regulatorne agencije za telekomunikacije (TRA) ce biti sluzbena prepiska Regulatorne agencije za komunikacije.

6.4. Potvrđuje se da je Nezavisna komisija za medije (IMC) poduzimala sve finansijske transakcije kao Komisija osnovana prema Aneksu 10 Opceg okvirnog sporazuma za mir u Bosni i Hercegovini. Ove transakcije stoga zadržavaju diplomatske privilegije prema kojim su izvršene i neće biti predmet nikakvog naknadnog potraživanja.

6.5. Ako je Regulatornoj agenciji za komunikacije (CRA) ustupljena imovina koja je prvobitno kupljena od sredstava koja su donirale medjunarodne organizacije, odnosno vlade, i koja je kupljena bez placanja poreza, carine, ili pristojbi, ta imovina se ustupa Regulatornoj agenciji za komunikacije bez ikakvih buducih obaveza u pogledu placanja poreza, carine ili pristojbi.

6.6. U skladu sa opcim principima donatorskog finansiranja, sva sredstva pristigla od donatora i koja mogu biti ustupljena

Regulatornoj agenciji za komunikacije su izuzeta od oporezivanja zato sto su ta sredstva donirana u korist svih naroda Bosne i Hercegovine.

Clan 7

Stupanje na snagu i objavljivanje

Odluka stupa na snagu odmah i bice bez odlaganja objavljena u Sluzbenom glasniku Bosne i Hercegovine, Sluzbenim novinama Federacije Bosne i Hercegovine i Sluzbenom glasniku Republike Srpske.

Sarajevo, 2. mart 2001. godine	Wolfgang Petritsch
	High Representative

Office of the High Representative